



## **Preguntas frecuentes sobre as axudas PEL 2023**



## Índice

AXUDAS PEL 2023 – NORMAS APLICABLES.....	3
AXUDAS PEL-EMPRENDE INVESTIMENTO 2023.....	5
AXUDAS PEL-AUTÓNOMOS 2023.....	9
AXUDAS PEL-PEMES CREACIÓN E AMPLIACIÓN 2023.....	11
AXUDAS PEL-PEMES MANTEMENTO 2023.....	15



## AXUDAS PEL 2023 – NORMAS APLICABLES

### Cal é o prazo para presentar a solicitude?

O prazo de presentación das solicitudes das axudas permanecerá aberto desde o día seguinte á publicación da convocatoria e ata o día **10 de marzo de 2023 ás 14:00h.**

### Como se presenta a solicitude?

A solicitude soamente poderase presentar de maneira telemática a través da plataforma **SUBTEL**: <https://sede.dacoruna.gal/subtel/>

A entidade **deberá dispoñer dun enderezo de correo electrónico** de contacto durante toda a tramitación do expediente, ao que se dirixirán as comunicacións. Excepcionalmente e, de xeito xustificado, poderá modificar este enderezo inicial, sempre e cando lle notifique a circunstancia pertinente á Deputación a través do correo [pel@dacoruna.gal](mailto:pel@dacoruna.gal)

**A tramitación telemática aplicarase a todas as fases do procedemento:** solicitude, concesión, xustificación, desistencia e renuncia, incluíndo en cada unha delas as notificacións e as comunicacións, os requirimentos de información e emenda de deficiencias, así como os envíos de documentación que sexan necesarios para tramitar os expedientes.

### É preciso certificado dixital para presentar a solicitude?

Si, é preciso dispor de certificado dixital para presentar a solicitude. Este ano, as novas empresas, que non teñan dado de alta usuario e contrasinal, deberán entrar co Certificado dixital da entidade solicitante.

O resto de solicitantes de anos anteriores, que tiñan creado un usuario e unha contrasinal, é aconsellable que sigan facendo as solicitudes con ese usuario e esa contrasinal, a non ser que prefiran facelo co Certificado dixital co inconveniente de que no poderán visualizar nin tramitar o resto de solicitudes presentadas nos anos anteriores por estar feitas con usuario e contrasinal.

A documentación deberá ser asinada, tanto certificacións como declaracións, como se indica:

- **No caso das persoas físicas:** pola **persoa autónoma** ou ben polo seu **representante legal autorizado/a**.
- **No caso das persoas xurídicas:** polo/a **administrador/a** ou **representante legal autorizado/a**.

### Que tipo de procedemento se segue para conceder estas axudas?

O procedemento de concesión da subvención recollida nesta base tramitarase en **régime de concorrencia competitiva**, de acordo co previsto no artigo 22.1 da Lei 38/2003, do 17 de novembro, xeral de subvencións.

Ten a consideración de concorrencia competitiva o procedemento mediante o cal a concesión das subvencións se realiza mediante a **comparación das solicitudes presentadas, a fin de establecer unha prelación entre as mesmas de acordo cos criterios de valoración**



**previamente fixados nas bases reguladoras** e na súa posterior convocatoria, e adxudicar, co límite fixado na convocatoria dentro do crédito dispoñible, aquelas que obteñan maior valoración en aplicación dos citados criterios.

Os criterios de valoración das solicitudes poden consultarse neste documento nos apartados relativos a cada unha das axudas.

#### Son compatibles estas axudas con outras?

- **As subvencións PEL son compatibles entre si.**
- **Compatibilidade con outras axudas da Deputación:** As axudas PEL serán incompatibles con calquera outra axuda concedida por esta Deputación para o mesmo obxecto.
- **Compatibilidade con outras axudas públicas ou privadas:**
  - A axuda **PEL-Emprende Investimento** será **compatible** con calquera outra axuda pública ou privada **para financiar os mesmos conceptos.**
  - A axuda **PEL-Autónomos** é **incompatible** con calquera outra axuda pública ou privada **para financiar os mesmos conceptos** subvencionados por esta convocatoria.
  - A axuda **PEL-Pemes Creación e Ampliación** é **compatible** con calquera outra axuda pública ou privada **para financiar os mesmos conceptos.**
  - A axuda **PEL-Pemes Mantemento** é **compatible** con calquera outra axuda pública ou privada **para financiar os mesmos conceptos.**

**En ningún caso a suma das axudas públicas recibidas para a mesma finalidade poderá ser superior ao custo do persoal subvencionado.**

#### Estas axudas están suxeitas ao réxime de minimis?

Si. Os solicitantes deben ter en conta os límites establecidos na dita normativa vixente e a Deputación na fase de solicitude da axuda pedirá que os solicitantes aporten unha Declaración de minimis na que se constate que o importe total da axudas de minimis concedida durante o período do exercicio fiscal en curso e nos dous exercicios anteriores non están por encima dos umbrais establecidos na dita normativa de minimis.

#### Cal é o prazo de concesión destas axudas?

O **prazo máximo para resolver será de 9 meses** a contar desde o día de publicación da convocatoria no Boletín Oficial da Provincia, de acordo co artigo 23.4 da Lei 9/2007, de 13 de xuño, de subvencións de Galicia.

#### A resolución de concesión é definitiva?

A Concesión será definitiva. A Presidencia da Deputación ditará **resolución de concesión**, que deberá ser notificada aos/ás interesados/as mediante a **publicación no Boletín Oficial da**



**Provincia** e deberán conter a relación dos/as solicitantes aos/ás que se lles concede a subvención e a desestimación expresa das restantes solicitudes.

### Que criterios de valoración se teñen en conta para puntuar a solicitude?

A Unidade xestora recollerá a puntuación total de acordo cos seguintes criterios de valoración das solicitudes que cumpran os requisitos establecidos nas bases reguladoras.

Para a puntuación de cada solicitude atenderase a un **Check-List de valoración** dispoñible en Subtel que marcará cada un dos/as solicitantes no momento de cubrir a solicitude.

CRITERIOS DE VALORACIÓN COMÚNS A TODAS AS LIÑAS			
	CRITERIOS DE VALORACIÓN	ASPECTOS A VALORAR	PUNTUACIÓN MÁXIMA
1	<b>Poboación do municipio no que se atope o domicilio fiscal da empresa</b>  <i>Datos de poboación segundo os últimos datos dispoñibles no Instituto Galego de Estatística (IGE)</i> <b>(Máximo 16 puntos)</b>	Menor ou igual a 2.000 habitantes	16
		De 2.001 a 4.000 habitantes	13
		De 4.001 a 5.000 habitantes	10
		De 5.001 a 10.000 habitantes	8
		De 10.001 a 19.999 habitantes	6
		20.000 habitantes ou máis	0
2	<b>Actividade económica do solicitante</b>  Teranse en conta as actividades económicas que consten de alta no Certificado de situación censual do solicitante  <i>Datos referidos á data de publicación da convocatoria.</i> <b>(3 puntos)</b>	Solicitantes de sectores estratéxicos, emerxentes e de alto potencial de Galicia (só aqueles indicados no Anexo 2 destas bases)	3
3	<b>Tipo de solicitante</b>  <i>Datos referidos á data de publicación da convocatoria.</i> <b>(5 puntos)</b>	Persoas autónomas	5
		Cooperativas	
		Sociedades laborais	

## AXUDAS PEL-EMPRENDE INVESTIMENTO 2023

### A quen van dirixidas estas axudas?

Estas axudas van dirixidas a pequenas, medianas empresas, microempresas e persoas autónomas, promotoras de iniciativas empresariais que estean desenvolvendo unha actividade **con ánimo de lucro** con anterioridade á data de publicación da convocatoria da axuda, e reúnan os seguintes requisitos:

- Ter o domicilio fiscal **nun concello da provincia da Coruña**



- Ter unha **antigüidade máxima de 5 anos de exercicio continuado na actividade** empresarial para a que solicita a axuda segundo a información recollida no certificado de situación censual da entidade.
- **No caso de persoas autónomas**, estar dado de alta no Réxime Especial de Traballadores Autónomos (RETA) ou en calquera outro réxime especial por conta propia da Seguridade Social, ou como mutualista de colexio profesional, e **non ter unha antigüidade superior aos 5 anos anteriores á data de publicación da convocatoria**.
- **No caso de persoas xurídicas**, a data de constitución da empresa, atendendo á data de primeira inscrición no Rexistro público correspondente **non pode ter unha antigüidade superior aos 5 anos, anteriores á data de publicación da convocatoria** destas axudas.

#### Que entidades se atopan excluídas destas axudas?

- No caso de novas empresas ou persoas autónomas que opten á axuda por non ter unha antigüidade superior aos cinco anos e cumpran os requisitos da anterior base 4, quedarán excluídas se son **transformación doutras** cuxa primeira inscrición no Rexistro público correspondente, ou alta no RETA, teña unha antigüidade superior a cinco anos **ou** que sexan **continuidade dunha actividade** que viña desenvolvendo outra empresa ou persoa autónoma cunha antigüidade de máis de cinco anos.

A estes efectos, considérase que existe continuidade na mesma actividade económica cando entre o cese dunha actividade e o inicio da seguinte transcorra menos de 3 meses, e entre a baixa do RETA e a nova alta transcorra menos de 3 meses.

- As agrupacións de persoas físicas ou xurídicas, as comunidades de bens ou calquera outro tipo de unidade económica ou patrimonio separado, carentes de personalidade xurídica propia.
- As asociacións, autónomos colaboradores, as corporacións de dereito público (Confrarías...), as congregacións relixiosas e os autónomos societarios, entendendo como autónomo societario, aqueles que están obrigados a alta no sistema especial de traballadores por conta propia, segundo o recollido no artigo 305 do TRLXSS, letras b) c), d) e e)
- Os/as socios/as ou accionistas dunha sociedade non poderán solicitar subvención a nivel individual se xa a presentaron como parte da sociedade
- As entidades definidas como Gran Empresa pola AEAT segundo o Certificado de situación censual da entidade.

#### Que conceptos de gasto son subvencionables?

Terán a consideración de gastos subvencionables dentro desta liña, aqueles gastos que **resulten estritamente necesarios** para o desenvolvemento da/s actividade/s subvencionada/s dada/s de alta no Certificado de situación censual e que se atopen dentro dos seguintes códigos de concepto de gasto:

Conta	Descrición da conta
206	Aplicacións informáticas
213	Maquinaria
216	Mobiliario
217	Equipos para procesos de información



### Que teño que ter en conta respecto aos investimentos a realizar?

- Aínda que estean relacionados cos conceptos de gastos subvencionables, **quedan expresamente excluídos** os mantementos, portes, obras, reformas, reparacións, cubertas, carpas, alugueres, rotulacións, instalacións técnicas de climatización, iluminación ou telecomunicacións, páxinas web, hosting, dominios, mantementos das aplicacións informáticas, fundas de elementos subvencionables, protectores de pantalla, subscricións anuais, canons, elementos de transporte, material funxible, prendas textís, artigos de decoración, espellos, televisores, reloxos intelixentes, elementos de iluminación, aparellos de climatización, sistemas de seguridade, telefonía, teléfonos móbiles e routers.
- No caso de ordenadores, o importe máximo imputable por ordenador será 2.000 euros sen IVE incluídos os periféricos que figuren na mesma factura do ordenador adquirido.
- No caso de tablets, o importe máximo imputable por tablet será 500 euros máximo sen IVE.
- O resto de equipos para procesos de información que se imputen con cargo á conta 217.-Equipos para procesos de información, distintos de ordenadores e tablets, imputaranse polo seu prezo de adquisición sen IVE sempre que cumpran o resto de requisitos.

### Só se admitirán cinco facturas máximo por concepto de gasto subvencionado

### Son subvencionables bens de segunda man?

NON. Deben tratarse de investimentos en elementos novos, directamente relacionados coa actividade, non suntuarios e con prezos adaptados aos prezos do mercado, non cedidos a terceiros, con ou sen contraprestación e que non sexan fabricados pola empresa solicitante nin por unha terceira vinculada á mesma, nin por socios/as, administradores/as, nin membros da Xunta de Directiva, ou ex-socios, ex-administradores ou ex-membros da Xunta Directiva durante os 2 anos seguintes ao seu cesamento. Tampouco poderán ser utilizados para a venda ou calquera outro negocio xurídico.

### Cal é o importe subvencionable?

- Importe mínimo da subvención a conceder (70% do orzamento mínimo de gasto): **2.450,00 €.**
- Importe máximo da subvención a conceder (70% do orzamento máximo de gasto): **17.500,00 €.**
- Orzamento mínimo de gasto de **3.500,00 € (\*)**
- Orzamento máximo de gasto de **25.000,00 € (\*)**.

*(\*)Excluído o IVE no caso de que sexa susceptible de recuperación ou compensación pola entidade.*

### Cal é o período subvencionable?

Os investimentos subvencionables serán aqueles realizados **entre o 1 de xaneiro e o 31 de decembro de 2023**. Os xustificantes de gasto terán que estar expedidos no período sinalado.



### Que criterios de valoración se teñen en conta para puntuar a solicitude?

A Unidade xestora recollerá a puntuación total de acordo cos seguintes criterios de valoración das solicitudes que cumpran os requisitos establecidos nas bases reguladoras.

Para a puntuación de cada solicitude atenderase a un **Check-List de valoración** dispoñible en Subtel que marcará cada un dos/as solicitantes no momento de cubrir a solicitude.

CRITERIOS DE VALORACIÓN ESPECÍFICOS DA LIÑA PEL-EMPRENDE INVESTIMENTO		
CRITERIOS DE VALORACIÓN	ASPECTOS A VALORAR	PUNTUACIÓN
<b>Non ter sido beneficiario/a na convocatoria PEL Emprende Investimento 2022 (*)</b>	Se o/a solicitante non foi beneficiario/a desta axuda na convocatoria PEL Emprende Investimento 2022.	6 puntos

### Que forma de pago dos bens se admiten?

A entidade beneficiaria deberá pagar as facturas, mediante transferencia bancaria, cheque nominativo, cargo, ingreso en conta ou calquera outra modalidade de pagamento bancario, sempre que en todo caso quede identificada a entidade ordenante (perceptora da subvención), a persoa/entidade beneficiaria (provedora do ben, servizo), o concepto, o importe e a data de pago. En ningún caso se admitirá o pago en efectivo.

No caso de que a entidade beneficiaria da axuda pague unha parte da factura en efectivo será invalidada a totalidade do gasto.

Os xustificantes de gasto terán que estar expedidos no período sinalado, aínda que os pagos poderán realizarse como data límite ata a presentación da xustificación da axuda.

### Cal é o prazo máximo de xustificación da axuda?

O prazo de xustificación da axuda PEL-Emprende Investimento rematará o día **31 de xaneiro de 2024**.

### Ademais dos compromisos xerais, qué compromisos específicos se esixen nesta liña de axudas?

Destinar os bens subvencionados ao fin concreto para o cal foi concedida a subvención **por un período mínimo de dous anos** desde a adquisición do ben.

### Se admite a subcontratación dos investimentos?

Os beneficiarios/as terán que realizar por si mesmos a actividade subvencionada, utilizando para tal fin os medios persoais e materiais dos que dispoña. Cando ditos medios resulten insuficientes, poderá contratar directamente con terceiros a provisión dos bens e servizos necesarios, sen que poida utilizar intermediarios que se limiten a xestionar a compra ou o servizo que non poden prover por eles mesmos, aumentando así o prezo final facturado.





Para a subcontratación das actividades estarase ao recollido na Base 10.-Subcontratación das Bases Xerais.

### Que se entende por operacións vinculadas?

Considérase que existe vinculación coas persoas físicas e xurídicas nas que conorra algunha das circunstancias establecidas no artigo 68.2 do RD 887/2006 polo que se aproba o Regulamento da lei xeral de subvencións. Inclúese como vinculación aos ex-socios, ex-administradores ou ex-membros da Xunta Directiva durante os 2 anos seguintes ao seu cesamento, sen prexuízo de que as bases específicas recollan as adaptacións necesarias de acordo co obxecto da subvención.

## AXUDAS PEL-AUTÓNOMOS 2023

### A quen van dirixidas estas axudas?

Estas axudas **van dirixidas a persoas autónomas promotoras de iniciativas empresariais** que desenvolvan unha actividade con ánimo de lucro, e reúnan os seguintes **requisitos**:

- Ter o **domicilio fiscal** nun Concello da provincia da Coruña **de poboación menor a 20.000 habitantes** conforme os datos máis recentes dispoñibles no Instituto Galego de Estadística.
- **Estar dado de alta no Réxime Especial de Traballadores Autónomos (RETA) ou calquera outro réxime especial ou sistema especial por conta propia** da Seguridade Social, ou como mutualista de colexio profesional, con unha **antigüidade** ininterrompida **máxima de 5 anos** anteriores a data de publicación da convocatoria destas axudas. Considérase que non existe interrupción cando entre o cese e o novo alta transcorran menos de 3 meses.
- Estar dado de **alta** en algunha actividade **empresarial** e constar recollida no Certificado de Situación Censual da Axencia Estatal da Administración Tributaria como titular.
- Ter unha **antigüidade máxima de 5 anos de exercicio ininterrompido na actividade** empresarial que desenrola segundo a información recollida no certificado de situación censual da entidade. A estes efectos, considérase que existe continuidade na mesma actividade económica cando entre o cese e novo alta transcorran menos de 3 meses.
- **Non recibir na anualidade 2023 ningunha axuda ou concepto similar** por parte de ningunha entidade ou organismo público ou privado para sufragar as cotas correspondentes ao réxime especial ou sistema especial por conta propia da Seguridade Social ou como mutualista de colexio profesional.

### Que entidades están excluídas destas axudas?

Exclúense dos destinatarios destas axudas os/as **autónomos/as colaboradores** e os **autónomos societarios**. Enténdense como autónomos societarios aqueles que participando na titularidade ou administración dunha entidade empresarial societaria estean obrigados a alta no sistema especial de traballadores por conta propia ou **Autónomos**, segundo o recollido no Real Decreto Legislativo 8/2015, de 30 de outubro, polo que se aproba o Texto refundido da Lei Xeral da seguridade Social e a súa normativa de desenvolvemento, e non desempeñen unha actividade empresarial independente e separada da desenvolvida pola persoa xurídica na que participan.



### Que conceptos de gasto son subvencionables?

Terán a consideración de gastos subvencionables dentro desta liña, **as cotas mensuais de autónomos e/ou mutualistas correspondentes ao ano 2023 que non teñan ningún tipo de axuda, subvención, bonificación ou calquera outro concepto similar** consonte á base 8.- Compatibilidade/incompatibilidade destas bases específicas, por parte de ningunha entidade ou organismo público nin privado.

En todo caso non serán subvencionables as cotas inferiores a 200 € nin as correspondentes a períodos inferiores a un mes natural.

### Cal é o importe e período o subvencionable?

A axuda consistirá **nunha contía fixa de 200 € por cada mes** nos que se cumpran os requisitos **ata un máximo de 12 meses e un mínimo de 6 meses** correspondentes ao **período subvencionado 2023**.

Contía <b>máxima</b> a solicitar (no caso de solicitar as 12 cotas)	2.400 €
Contía <b>mínima</b> a solicitar (no caso de solicitar 6 cotas)	1.200 €
Contía variable (no caso de solicitar máis de 6 e menos de 12)	200 * número de meses non subvencionados/bonificados (máis de 6)

Se subvencionarán exclusivamente as cotas mensuais correspondentes á anualidade 2023.

### Que criterios de valoración se teñen en conta para puntuar a solicitude?

CRITERIOS DE VALORACIÓN ESPECÍFICOS DA LIÑA PEL-AUTÓNOMOS		
CRITERIOS DE VALORACIÓN	ASPECTOS A VALORAR	PUNTUACIÓN
<b>Non ter sido beneficiario/a na convocatoria PEL Autónomos 2022 (Máximo 6 puntos)</b>	O/a solicitante non foi beneficiario/a desta axuda na convocatoria PEL Autónomos 2021.	6 PUNTOS

### Cal é o prazo máximo de xustificación da axuda?

O prazo de xustificación da axuda **rematará o 31 de marzo de 2024**.

### Ademais dos compromisos xerais, qué compromisos específicos se esixen nesta liña de axudas?

As persoas ou entidades beneficiarias da liña PEL-Autónom@s, ademais dos compromisos sinalados na base 4ª da Parte Xeral, deberán cumprir cos seguintes compromisos e obrigas:

- As persoas autónomas beneficiarias desta liña, deberán adquirir o compromiso de estar dado de alta e **manter a actividade como mínimo ata o 31 de decembro de 2023**
- Comunicar a través da Plataforma de tramitación telemática SUBTeL calquera modificación que afecte á solicitude inicial realizada sen que en ningún caso implique cambio en ningún criterio valorable, nin aumento do importe concedido.



## AXUDAS PEL-PEMES CREACIÓN E AMPLIACIÓN 2023

### A quen van dirixidas estas axudas?

Estas axudas van dirixidas a **pequenas, medianas empresas, microempresas e persoas autónomas, promotoras de iniciativas empresariais que estén desenvolvendo unha actividade con ánimo de lucro con anterioridade á data de publicación da convocatoria da axuda** e reúnan os seguintes requisitos:

- **Ter domicilio fiscal nun concello da provincia da Coruña con poboación inferior a 20.000 habitantes.**
- No caso de persoas autónomas, estar dado de alta no Réxime Especial de Traballadores Autónomos (RETA) ou en calquera outro réxime especial por conta propia da Seguridade Social ou como mutualista de colexio profesional.
- No caso de persoas xurídicas, estar inscritos no Rexistro mercantil ou no Rexistro público correspondente.
- Estar dado de alta nalgunha actividade empresarial e constar recollida no Certificado de Situación Censual da Axencia Estatal da Administración Tributaria.

### Que entidades están excluídas destas axudas?

- As agrupacións de persoas físicas ou xurídicas, as comunidades de bens ou calquera outro tipo de unidade económica ou patrimonio separado, carentes de personalidade xurídica propia.
- As asociacións, autónomos colaboradores, os autónomos societarios, corporacións de dereito público (confrarías), e as congregacións relixiosas. Entendendo como autónomo societario, aqueles que están obrigados á alta no sistema especial de traballadores por conta propia, segundo o recollido no artigo 305 do Texto Refundido da Lei Xeral da Seguridade Social, letras b), c), d) e e).
- Os/as socios/as ou accionistas dunha sociedade non poderán solicitar subvención a nivel individual se xa a presentaron como parte da sociedade e viceversa.
- As entidades definidas como Gran Empresa pola AEAT segundo o Certificado de situación censual da entidade.

### Que conceptos de gasto son subvencionables?

Subvencionaranse os **custes salariais e de seguridade social** da contratación dun/dunha traballador/a a xornada completa ou parcial **durante un período máximo de 12 meses dentro da anualidade 2023.**

Os conceptos de gastos subvencionables nesta liña de axudas son os seguintes, de acordo coa Resolución da presidencia nº 2016/12 de 04/01/2016, pola que se aproban as instrucións reguladoras da codificación dos conceptos de gasto que son obxecto de subvención provincial:



Conta	Descrición da conta, segundo o Plan xeral de contabilidade
640	Soldos e salarios
642	Seguridade Social a cargo da entidade
649	Outros gastos sociais

Os gastos subvencionables comprenden os **soldos e salarios**, as **cotas empresariais á Seguridade Social**, así como **outros gastos sociais** relativos á prestación por **Incapacidade Temporal (IT) a cargo do empresario** e a **indemnización fin de contrato**.

#### Cal é o importe e o período subvencionable e a contía?

O período subvencionable comprenderá gastos salariais e de seguridade social das contratacións iniciadas na anualidade 2023 e que teñan unha duración mínima de 6 meses.

Subvencionaranse exclusivamente os meses da contratación incluídos dentro da anualidade 2023.

Cada empresa poderá solicitar a subvención para a contratación **dun/unha traballador/a** durante un **período de 12 meses**, durante os cales a subvención cubrirá como máximo o **70%** dos custos salariais e de seguridade social da persoa traballadora. O contrato poderá ter unha duración superior a 12 meses, pero a **subvención cubrirá unicamente os custos correspondentes aos meses do contrato incluídos dentro da anualidade 2023**.

As entidades poderán presentar un orzamento estimado mínimo de gasto de **1.428,57 €** e un máximo de **21.428,57 €**, do cal poderán solicitar, como máximo, o **70%**.

Importe estimado do orzamento de gastos	Mínimo: <b>1.428,57 €</b> Máximo: <b>21.428,57 €</b>
Importe da subvención a conceder	Mínimo: <b>1.000 €</b> Máximo: <b>15.000 €</b>
Importe máximo a solicitar	Ata o <b>70 %</b> do orzamento de gastos subvencionable
Coefficiente de financiamento	Como máximo do <b>0.70</b>

A **contía máxima** da subvención a conceder será o 70% do orzamento de gastos co límite de **15.000,00 €** para as contratacións a xornada completa (40h semanais) ou a **parte proporcional correspondente** naquelas contratacións realizadas a tempo parcial.

#### Qué tipo de contrato debe realizarse e qué xornada de traballo debe ter o traballador?

O contrato deberá realizarse **nas modalidades previstas legalmente e independentemente do tipo de xornada (a xornada completa ou xornada parcial)** e para todos os efectos rexerese pola lexislación laboral vixente.



### Qué duración debe ter o contrato realizado co/coa traballador/a?

O contrato **deberá formalizarse por unha duración mínima de 6 meses.**

No caso dunha contratación realizada na segunda metade do ano 2023, na que se subvencionen únicamente gastos correspondentes a un período inferior a 6 meses en 2023, o contrato de traballo deberá ter unha duración mínima de 6 meses, aínda que esa duración de 6 meses se desenvolva en dúas anualidades 2023 e 2024.

### Qué criterios de valoración se teñen en conta para puntuar a solicitude?

A Unidade xestora recollerá a puntuación total de acordo cos seguintes criterios de valoración das solicitudes que cumpran os requisitos establecidos nas bases reguladoras.

Para a puntuación de cada solicitude atenderase a un Check-List de valoración dispoñible en Subtel que marcará cada un dos/as solicitantes no momento de cubrir a solicitude.

A puntuación total das solicitudes obtense mediante a suma automática da puntuación dos criterios de valoración indicados a continuación.

CRITERIOS DE VALORACIÓN ESPECÍFICOS DA LIÑA PEL-PEMES CREACIÓN AMPLIACIÓN		
CRITERIOS DE VALORACIÓN	ASPECTOS A VALORAR	PUNTUACIÓN
<b>Non ter sido beneficiario/a na convocatoria PEL PEMES CRE/AMP 2022(*)</b>	O solicitante non foi beneficiario/a desta axuda na convocatoria PEL PEMES CRE/AMP 2022	6 PUNTOS

### Que forma de pago das nóminas e seguros sociais se admiten?

A entidade beneficiaria deberá pagar ás persoas traballadoras, mediante transferencia bancaria, cheque nominativo, cargo, ingreso en conta ou calquera outra modalidade de pagamento bancario, sempre que en todo caso quede identificada a entidade ordenante (perceptora da subvención), a persoa/entidade beneficiaria (provedora do ben, servizo ou persoas traballadoras), o concepto, o importe e a data de pago.

En ningún caso se admitirá o pago en efectivo.

No caso de que a entidade beneficiaria da axuda pague unha parte dos gastos das nóminas en efectivo será invalidado todo ese gasto.

### Cal é o prazo máximo de xustificación da axuda?

O/a beneficiario/a da axuda deberá xustificar **a través da plataforma telemática SUBTeL** os gastos relativos aos meses de contrato da anualidade 2023.

O prazo de xustificación **finalizará o 28 de febreiro de 2024.**



A subvención concedida farase efectiva tras a presentación desta xustificación de gastos e unha vez acreditados o cumprimento dos requisitos e a consecución dos obxectivos previstos na concesión.

### Ademais dos compromisos xerais, que compromisos específicos se esixen nesta liña de axudas?

Os compromisos específicos a ter en conta son, entre outros, os seguintes:

- **Se a entidade/persoa foi beneficiaria desta axuda na convocatoria anterior PEL- Pemes Creación e Ampliación 2022, debe constar de alta no seu cadro de persoal o posto subvencionado nesa convocatoria durante todo o período subvencionado.** No caso de que a entidade/persoa beneficiaria renunciase á dita axuda ou se producira unha perda de dereito ao cobro, non se aplicará esta obriga. Tampouco se aplicará no suposto de falecemento do/a traballador/a, incapacidade laboral permanente ou pase á situación de pensionista.
- **Manter o nivel de emprego** existente na empresa beneficiaria, desde a data de publicación das bases da axuda e durante todo o período subvencionado. Para tal efecto enténdese que cumpre coa obriga de mantemento **cando o número de traballadores da empresa da empresa na data de finalización do período subvencionado sexa maior ao existente no momento de publicación das bases reguladoras da axuda.** No caso daquelas contratacións realizadas antes da publicación das bases reguladoras, a obriga do mantemento do emprego na empresa será desde o momento da contratación do/a traballador/a subvencionado/a e ata a finalización do período subvencionado.

### Que sucede se se produce a extinción da relación laboral co/coa traballador/a?

No suposto de extinción da relación laboral da persoa traballadora pola que se concedeu a subvención, os/as beneficiarios/as poderán proceder a realizar **ata un máximo de dúas novas contratacións dentro da anualidade 2023** no caso de que se trate dunha por baixa voluntaria/dimisión do/a traballador/a, baixa por despido disciplinario individual, baixa por falecemento do/a traballador/a, baixa por pase á situación de pensionista, baixa por excedencia voluntaria, baixa por esgotamento de IT ou baixa por pase á situación de incapacidade permanente, baixa por excedencia maternal/coidado de fillos, baixa por coidado de familiares, suspensión por violencia de xénero, baixa por non superar o período de proba, baixa por despido por causas obxectivas empresa, baixa por despido por causas obxectivas traballador/a.

Os/as beneficiarios/as incurso nos supostos excepcionais de extinción da relación laboral indicados no parágrafo anterior que procedan a realizar unha nova contratación, deberán achegar na xustificación da subvención a documentación relativa á baixa anterior e alta do/a novo/a traballador/a tal e como se recolle no Anexo 1. Documentación da xustificación.

A nova contratación debe cubrir o posto ata completar polo menos o período mínimo de seis meses de duración da contratación esixido nestas bases.



**Que sucede se o/a traballador/a contratado/a incorre en Incapacidade Temporal (IT) ou en situación de permiso de maternidade/paternidade?**

No caso de que o/a traballador/a incorra en incapacidade temporal por enfermidade, accidente ou en situación de permiso de maternidade/paternidade o/a beneficiario/a poderá proceder a contratar outro/a traballador/a para substituír temporalmente ao/á traballador/a incurso/a neses supostos e sempre que a substitución se realice na anualidade 2023.

**Os gastos de ambos/as traballadores/as (os do/a traballador/a substituto/a e os gastos do traballador incurso en incapacidade temporal ou supostos de maternidade/ paternidade) poderán ser imputados na xustificación de gastos que presente a entidade beneficiaria.**

Para poder acreditar a situación de incapacidade temporal ou situación de permiso de maternidade/paternidade, o beneficiario deberá achegar a documentación recollida no Anexo 1. Documentación da xustificación.

## **AXUDAS PEL-PEMES MANTEMENTO 2023**

**A quen van dirixidas estas axudas?**

Estas axudas ao mantemento do cadro de persoal van dirixidas a pequenas, medianas empresas, microempresas e autónomos/as, **beneficiarios/as da subvención PEL-Pemes Creación e Ampliación 2022, que realizaron a contratación de maneira indefinida inicialmente ou con carácter previo á presentación da solicitude de axudas PEL-Pemes Mantemento 2023** e que con anterioridade á data de publicación da convocatoria, reúnan o seguinte requisito:

- Manter o domicilio fiscal na provincia da Coruña nun concello con poboación inferior a 20.000 habitantes.

**Que conceptos de gasto son subvencionables?**

Subvencionaranse os custos de mantemento no ano 2023 do posto de traballo subvencionado a través da convocatoria PEL-Pemes Creación e Ampliación 2022, que foi creado inicialmente como indefinido ou transformado a indefinido con carácter previo á presentación da solicitude de PEL-Pemes Mantemento 2023.

Os conceptos de gasto subvencionables nesta liña de axudas son os seguintes, de acordo coa Resolución da Presidencia nº 2016/12, do 4 de xaneiro de 2016, pola que se aproban as instrucións reguladoras da codificación dos conceptos de gasto que son obxecto de subvención provincial:

Conta	Descrición da conta, segundo o Plan xeral de contabilidade
640	Soldos e salarios
642	Seguridade Social a cargo da entidade
649	Outros gastos sociais

Os gastos subvencionables comprenden os **saldos e salarios**, e a **seguridade social a cargo da entidade** así como outros gastos sociais relativos á prestación por **Incapacidade Temporal (IT) a cargo do empresario** e a **indemnización fin de contrato**.

### Cal é o importe e o período subvencionable?

O período subvencionable será de **12 meses (de xaneiro a decembro de 2023)**, polo que se subvencionarán exclusivamente os gastos salariais e de seguridade social a cargo da entidade correspondente aos meses do mantemento da contratación durante os 12 meses incluídos dentro da anualidade 2023.

Cada empresa poderá solicitar a subvención para o mantemento do posto de traballo indefinido durante un período de 12 meses na anualidade 2023, por un importe máximo do **50% dos custes estimados do mantemento da contratación**.

A contía máxima da subvención a conceder será o 50% dos custes estimados do mantemento da contratación co seguinte límite:

<b>Importe do orzamento de gastos</b>	<b>Mínimo: 2.000</b> <b>Máximo: 22.000 € (colectivo vulnerable) 20.000 € (colectivo non vulnerable)</b>
<b>Importe da subvención a conceder</b>	Mantemento dun <b>contrato indefinido a xornada completa no que a persoa contratada pertenza a algún dos colectivos vulnerables</b> (inscrito como desempleado de longa duración nos Servizos Públicos de Emprego, muller, menor de 30 anos, maior de 45 anos ou persoa con diversidade funcional): <b>Mínimo: 1.000 €</b> <b>Máximo: 11.000 €</b>
	Mantemento dun <b>contrato indefinido a xornada completa</b> : <b>Mínimo: 1.000 €</b> <b>Máximo: 10.000 €</b>
<b>Importe máximo a solicitar</b>	<b>Ata o 50 % do orzamento de gastos subvencionable</b>
<b>Coefficiente de financiamento</b>	<b>Como máximo do 0.50</b>

A **contía máxima** da subvención a conceder será o 50% dos custes estimados de contratación cos límites de **11.000 € (colectivo vulnerable) e 10.000 €(colectivo non vulnerable)** para as contratacións a xornada completa (40h semanais) ou a **parte proporcional correspondente** naquelas contratacións realizadas a tempo parcial.

No caso de que se conceda ao beneficiario o importe máximo de 11.000 euros polo mantemento dun contrato indefinido a xornada completa dun traballador de colectivo vulnerable e durante a fase de xustificación a unidade xestora da axuda comprobouse que finalmente non realizou o mantemento nesa modalidade o importe a pagar se reducirá a **10.000 euros ou proporcionalmente** en función do tipo de xornada (parcial ou completa). En todo caso non se incrementará o importe da contía concedida.





### Que criterios de valoración se teñen en conta para puntuar a solicitude?

A Unidade xestora recollerá a puntuación total de acordo cos seguintes criterios de valoración das solicitudes que cumpran os requisitos establecidos nas bases reguladoras.

Para a puntuación de cada solicitude atenderase a un **Check-List de valoración** dispoñible en Subtel que marcará cada un dos/as solicitantes no momento de cubrir a solicitude.

CRITERIOS DE VALORACIÓN ESPECÍFICOS DA LIÑA PEL-PEMES MANTEMENTO		
CRITERIOS DE VALORACIÓN	ASPECTOS A VALORAR	PUNTUACIÓN
<b>Non ter sido beneficiario/a na convocatoria PEL PEMES MANTEMENTO 2022(*)</b>	O solicitante non foi beneficiario/a desta axuda na convocatoria PEL-PEMES MANTEMENTO 2022	6 PUNTOS

*(\*) Para valorar este punto 4, consideraranse beneficiarios/as aqueles/las que teñan sido beneficiarios/as por Resolución de Concesión na convocatoria PEL-Pemes Mantemento 2022.*

### Cal é o prazo máximo de xustificación da axuda?

Unha vez transcorrido o período subvencionable, o/a beneficiario/a disporá dun prazo de xustificación, que será **ata o 28 de febreiro de 2024**.

A subvención concedida farase efectiva tras a presentación desta xustificación de gastos e unha vez acreditados o cumprimento dos requisitos e a consecución dos obxectivos previstos na concesión.

### Que forma de pago se admite?

O/a beneficiario/a deberá presentar na plataforma SUBTeL, no apartado de Xustificación da súa solicitude, a documentación recollida no Anexo 1. Documentación.

**A entidade beneficiaria deberá pagar ás persoas traballadoras, mediante transferencia bancaria, cheque nominativo, cargo, ingreso en conta ou calquera outra modalidade de pagamento bancario, sempre que en todo caso quede identificada a entidade ordenante (perceptora da subvención), a persoa/entidade beneficiaria (provedora do ben, servizo ou persoas traballadoras), o concepto, o importe e a data de pago.**

**En ningún caso se admitirá o pago en efectivo.**

**No caso de que a entidade beneficiaria da axuda pague unha parte dos gastos das nóminas en efectivo será invalidado todo ese gasto.**



No caso de que ao/á beneficiario/a se lle teña concedido un importe de subvención correspondente a un contrato a xornada completa e se comprobe na fase de xustificación de gastos que se realizou un contrato a xornada parcial (inferior a 40h), se reducirá o importe a pagar, adaptando o mesmo en función do número de horas semanais realizado.

### Ademais dos compromisos xerais, que compromisos específicos se esixen nesta liña de axudas?

Os compromisos específicos a ter en conta son, entre outros, os seguintes:

- **Manter o nivel de emprego existente na empresa beneficiaria, desde a data de finalización do período subvencionado en PEL-Pemes Creación e Ampliación 2022 e durante todo o período subvencionado 2023.** Para tal efecto enténdese que cumpre coa obriga de mantemento cando o número de traballadores da empresa na data de finalización do período subvencionado PEL-PEMES Mantemento 2023 **sexo igual** ao existente na finalización do período subvencionado da convocatoria PEL-Pemes Creación e Ampliación 2022 (...)

### Que sucede se se produce a extinción da relación laboral co/coa traballador/a?

No suposto de extinción da relación laboral da persoa traballadora pola que se concedeu a subvención, os/as beneficiarios/as poderán proceder a realizar **ata un máximo de unha nova contratación dentro da anualidade 2023** no caso de que se trate dunha baixa voluntaria/dimisión do/a traballador/a, baixa por despido disciplinario individual, baixa por falecemento do/a traballador/a, baixa por pase á situación de pensionista, baixa por excedencia voluntaria, baixa por esgotamento de IT ou baixa por pase á situación de incapacidade permanente, baixa por excedencia maternal/cuidado de fillos, baixa por coidado de familiares, baixa por despido colectivo, suspensión por violencia de xénero, baixa por non superar o período de proba, baixa por despido por causas obxectivas empresa, baixa por despido por causas obxectivas traballador/a.

Os/as beneficiarios/as incurso nos supostos excepcionais de extinción da relación laboral que procedan a realizar unha nova contratación deberán achegar na xustificación da subvención a documentación relativa á baixa anterior e alta do/a novo/a traballador/a tal e como se recolle no Anexo 1. Documentación da xustificación.

A nova contratación debe ser indefinida e debe cubrir o posto ata completar os doce meses de duración da contratación esixido nestas bases.

### Que sucede se o/a traballador/a contratado/a incorre en Incapacidade Temporal (IT) ou en situación de permiso de maternidade/paternidade?

No caso de que o/a traballador/a incorra en incapacidade temporal por enfermidade, accidente ou en situación de permiso de maternidade/paternidade o/a beneficiario/a poderá proceder a contratar outro/a traballador/a para substituír temporalmente ao/á traballador/a incurso/a neses supostos e sempre que a substitución se realice na anualidade 2023.



**Os gastos de ambos/as traballadores/as (os do/a traballador/a substituto/a e os gastos do traballador incurso en incapacidade temporal ou supostos de maternidade/ paternidade) poderán ser imputados na xustificación de gastos que presente a entidade beneficiaria.**

Para poder acreditar a situación de incapacidade temporal ou situación de permiso de maternidade/paternidade, o beneficiario deberá achegar a documentación recollida no Anexo 1. Documentación da xustificación.